

REFERAT MAA - Meeqqanut Atuarfeqarnermullu Ataatsimiititaq d. 05-02-2020

Mødedato Onsdag d. 05. februar 2020 kl. 18:00

Mødested Kommunalbestyrelsesip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kvartalimut ilisimatitsissut - Peqqinneq Sammisassaqtitsivillu.....	7
BRND - Peqatigiiffiit quppererat.....	10
Nunarsuarmi tamani timimik aalatitsinerpaaq.....	14
Aalajangiiffigisassat.....	17
Suliat Aningaasaqarnermut Inuussutissarsiornermullu Ataatsimiititamut.....	18
Tasiilami atuartunut angerlarsimaffik.....	19
Kommuneqarfik Sermersuup Sisorarfiillu akornanni kiffartuussinissamik isumaqatigiissut.....	23
Taasariaqartut allat.....	27
Lukket.....	28
Lukket.....	29
Lukket.....	30
Imaqarniliap akuerineqarnera.....	31

Punkt 0: Saqqaa

Ilaasortat

Michael Rosing (Sam), siulittaasoq.

Henrik Rachlev (IA)

Rasmine Geisler (IA)

Uju Petersen (IA)

Thiiooq Knudsen (S)

Beslutning

Najuuttut: Michael Rosing (IA) aamma Uju Petersen (IA)

Oqarasuaatikkut: Henrik Rachlev (IA), Rasmine Geisler (IA) aamma Thiiooq Knudsen (S)

Punkt 1: Oqaluserisassat akuerineqarneri

Beslutning

Oqaluserisassat akuerineqarput.

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a. siulittaasup nalunaarutai: Soqanngilaq

2b. 2b. ingerlatsiviup nalunaarutai:

1. Nuummi meequeriviit atuarfiullu tamarmik anorersuartoqarnissaanik ilimasaarisoaqareernerata kingorna ulloq 23. januaarimi nal. 14.00 matuneqarput. Aatsaavissuaq ukiuni makkunani taamaattoqarpoq.
2. Kapisilinni angajoqqaat angerlarsimaffinnilu paarsisartut akornanni ajornartorsiuteqarsimanerat peqcutigalugu meequeriveqarnermut fagchefti nunaqarfimmut angalavoq. Angalaneq pillugu nakkutilliinermut nalunaarusiaq ilisimatitsissutitut oqaluuserisassanut kingusinnerusukkut ilanngunneqarumaarpoq.
3. Ittoqqortoormiini angajoqqaat atuarfiullu akornanni ajornartorsiortoqarnera peqcutigalugu atuarfeqarnermut fagchefti atuarfimmut nakkutilliartorluni angalavoq. Nakkutilliinermut nalunaarusiaq kingusinnerusukkut saqqummiunneqarumaarpoq.
4. Fagchefti atorfirminnut aallartisarneqaleruttorput.
5. iPadit nutaat missingersuutit 2020-mut ilanngunniarlugit Meeqqanut Atuarfeqarnermullu Ingerlatsivimmit puigorneqarsimagamik iPadinik pisinermut kvartalit aappaanni ilassutitut aningaasaliisoqarnissaanut qinnuteqartoqarumaarpoq.
6. Misi-p IA-nut (immikkut atuartisneq) innersuussutit naammassivaat. Misi-p nutserisoqarfimmik suleqateqarluarsimanertik unnersiutigivaat.
7. Tasiilami, Ittoqqortoormiini Paamiunilu decembarip qaammataa tamaat juullimut aaqqissuusaqarfiuvoq, ilaatigut Santa Luciartoqarluni, orpiliamik ikitsisoqarluni ullukinnerisortitsisoqarlunilu.
8. 2020-mi januaarip ulluisa arfernanni illoqarfinni tamani timersorneq pillugu ulloqartitsisoqarpoq.
9. Sunngiffimmi atuartisneq illoqarfinni tamani ingerlanneqarpoq.
10. Ittoqqortoormiini aputissaaleqineq peqcutigalugu majuartaat suli ammarneqanngilaq.
11. Qaammatikkaartumik aaqqissuussinerit aamma Nuannaftit ingerlanneqarput.
12. Tasiilami majuartaatip februaarip qaammataata qiteequnnerani ammassasoq pilersaarutaavoq.
13. Katersortarfimmi timersornermi inuuneqarneq pillugu oqalugiartoqarpoq.
14. Meeqqat inuunermik annaassiniartarnerat pillugu pikkorissartitsineq februaarip aallartinnerani aallartippoq maajillu qaammataani naanissaata tungaanut ingerlanneqassalluni.
15. Tak. AX, 2019-imi naatsorsuutitut tunngatillugu Meeqqanut Ilaqutariinnullu Ingerlatsivik marlunnik kisitsisitalinnik millioninik atuvallaarsimavoq. Sipaarniutaasimasutut aalajangikkat, SIK-p IMAK-illu akornanni akissarsianut tunngatillugu aaqqiissutaat iPadinut suliniummut aningaasaliissutaanngitsoortut ilaatigut peqcutaasinnaallutik.

Punkt 3: Ilisimatitsissutit

Punkt 03A: Kvartalimut ilisimatitsissut - Peqqinneq Sammisassaqartitsivillu

Beslutning

Ilisimatitsisut tusaatissatut tiguneqarpoq.

Bilag

2019-imi kvartalip sisamaat pillugu ilisimatitsissutit katiterneqarnerat

Kvartalimut ilisimatitsissut - Peqqinneq Sammisassaqaartitsivillu

Kvartalit sisamaat 2020

Ilisimatitsissut

J. nr.: 55.00

Suliffeqarfimmu Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Peqqinneq Sammisassaqaartitsivillu 2019-imi kvartalit sisamaanni anguniakkatut angusimasat katitersimalerpai. Kvartalikkuaartumik ilisimatitsissutit Meeqqanut Atuarfeqarnermullu Ataatsimiititamut ilisimatitsissutitut ingerlateqqinneqarput.

Inassuteqaat

Suliffeqarfimmu Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut Meeqqanut Atuarfeqarnermullu Ataatsimiititamut tusaatissatut tiguneqassasoq

Suliassamik saqqummiussineq

Peqqinneq Sammisassaqaartitsivillu 2018-imi kvartalit aappaanni kvartalikkaartumik nalilersuineq. Peqqinneq Sammisassaqaartitsivillu Paamiuni, Tasiilami Ittoqqortoormiini immikkoortortaqaarpoq, kiisalu Sermersooq Nipilersornermik Ilinniartarfimmik aamma Naluttarfik Malimmik immikkoortortaqaarluni.

2019-imi kvartalit sisamaat – oktobari, novembari aammalu decembari

Immikkoortortaqaarfiup 2019-imi kvartalip sisamaanni innuttaasunut sammisassaqaartitsiniutai tassaapput:

- Aningaasaliisussarsiornermik nammineq kajumissutsiminnik suliaqartartunik pikkorissartitsineq kiisalu Nuummi nammineq kajumissutsiminnik suliaqartartut kattuffii
- Aallartisarneq - Meeqqanik inersimasunillu sunngiffimmi atuartitsineq.
- Bibi Chemnitzip meeqqanut ukiaanerani atuannngiffimmi workshoppertitsinera.
- Isummakkut peqqissuunissamik pikkorissaaneq – misiligutitut suliniut
- Paamiuni nipilersornermik festivalertitsineq
- Ukiup naanerani tusarnaartitsineq, Ittoqqortoormiini, Paamiuni Tasiilamilu timersortarfinni ingerlanneqarput.
- Naluttarfik Malimmi meeqqanut nalunnermik assigiinngitsutigut sammisaqaartitsineq
- Ilinniartut tusarnaartitsinerat
- Champions League turnering – Ittoqqortoormiit
- Qiimmassaqaatigiiffik – Tasiilami imigassartaqaanngitsumik unussiorneq.

Kvartalit aappaanni pingajuannilu sammisassaqaartitsissutit aaqqissuussallu sinneri ilanngussami "Peqqinneq Sammisassaqaartitsivimmiillu 2019-imi kvartalit sisamaanni ilisimatitsissutit katiterneqarnerat" atuakkit.

Aaqqiissutissatut siunnersuut – suliatigut naliliineq

Peqqinneq Sammisassaqaqtitsiviullu kvartalini marlunni angusimasat naammagisimaarpai, taamaattoq anguniakkat innuttaasut pisariaqaqtitaannut naapertuuttunngorlugit inerisaaneq aallutiinnarniarlugu, Suleqatigiinnissamik isumaqatigiisummi anguniakkat innersuussutigalugit.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr 5, 6. juni 2016-imeersoq

Inuuneritta II

Susassaqaqtitsineq aamma kulturikut anguniakkat pillugit MA-mut suleqatigiinnissamut isumaqatigiisummi anguniakkat.

Ingerlariaqqinnissaq

Kvartalikkuaartumik nalilersuinerit ilisimatitsissutit Peqqinneq Sammisassaqaqtitsivimmiillu Meeqqanut Atuarfeqarnermullu Ataatsimiititamut ataavartumik nassiunneqartarput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaqtitsisoqarsimanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussa

1. 2019-imi kvartalip sisamaat pillugu ilisimatitsissutit katiterneqarnerat

Punkt 03B: BRND - Peqatigiiffiit quppernerat

Beslutning

Ilisimatitsisut tusaatissatut tiguneqarpoq.

BRND - Peqatigiiffiit quppernerat

Ilisimatitsissut

J.nr.: 78.00

Suliffeqarfimmut Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Suliffeqarfimmut Kiffartuussiviup ataaniittoq Peqqinneq Sammisassaqaqtitsivillu quppernermik peqalerpoq, taanna iluaqutigalugu Kommuneqarfik Sermersuumi peqatigiiffiit assigiinngitsut aamma timersortarfinnik attartornissamut innuttaasunut periarfissanik takunnissinnaanissaq ajornannginnerulissaaq.

Inassuteqaat

Suliffeqarfimmut Kiffartuussineq Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Peqqinneq Sammisassaqaqtitsiviullu, Suliffeqarfimmut Kiffartuussiviup ataani, nittartakkat marluk aallartitseqammerput: Sammisassat.gl aammalu piffissat.gl. Nittartakkat tamanut ammasuupput anguniagarlu unaavoq timersornikkut periarfissat innuttaasunut ajornaannerusumik takuneqarsinnaalernissaat aammalu allaffissornerup peqatigiiffinni ajornaanerulernissaa.

Nittartakkat saniatigut tassunga atasunik pingasunik allanik qupperneqarpoq: peqatigiiffiit, atortorissaarutit aamma Kommuneqarfik Sermersuumi allaffimmut tunngasoq. Pingasunik taamaattunik systemeqarnerup iluaqutissartarissavaa, taakku pingasut nittartakkallu marluk imminnut attaveqatigiissinnaanerit, taamaalillunilu pisariaqanngitsumik marloqiusamik nalunaarsuisarnerit aamma tamanut piffissamik atuilussinnartarpeq annikillisinneqassallutik.

Quppernerit taakku taakkartorneqartut timersornermut aammalu allaffissornermut systemimut BRND-imut ilaapput.

Systemi atorlugu peqatigiiffiit paasissutissanik pisariaqartuniik immersuisinnaapput kiisalu inatsisitigut piumasaqaataasunik kommunimut paasissutissiisarsinnaallutik. Peqatigiiffiit tassunga tapiliussamik piserusuttut peqatigiiffiit ataasiakkaat aqutigalugit nalunaassapput aammalu ilaasortaanermut akiliut aamma systemi aqutigalugu akilertassallugu. Taamaalilluni naatsorsuutigineqarpoq, peqatigiiffinneersunik arlalinnik aamma innuttaasuneersunik nutaanik ilaasortanngortoqarnissaa.

Akiliinissamut systemitaata iluaqutigaa peqatigiiffiit ilaasortaat ilaasortaanermut akiliinermut, billetsinik pisinermut, peqatigiiffiup akiginiagaanut akiliinermut atornerqarsinnaammata peqatigiiffiup quppernera atorlugu taamaalilluni peqatigiiffiup kontoanut akiliutit toqqaannaq ikineqassallutik.

Sammisassat.gl tassaavoq nittartagaq kommunimi atugassianik tamanik kiisalu Peqqinneq Sammisassaqaqtitsivimmi nalunaarsorsimasunik peqatigiiffinnut tunngasunik imaqartoq. Peqatigiiffiit taanna nittartakkatut atorsinnaavaat, taamaalillutillu nittarsaassinermut iluaqutigisinnaallugu, paasissutissat suulluunniit immiunneqarsinnaapput, sungiusarfissanut piffissat, sammisassat pisariaqartunilluunniit paasissutissat pineqarpata. Kommunimi atortussat

assigiinngitsut atorneqarsinnaasut nittartakkami aamma atuarneqarsinnaallutillu takuneqarsinnaapput.

Ammattaaq Piffissat.gl nittartagaavoq atortussiani systemimut nalunaarsorsimasuni assigiinngitsuni qaqugukkut inissaqarnerisooq takuneqariaannaalluni. Aamma nittartagaq aqutigalugu peqatigiiffinni imaluunniit inunni ataasiakkaani/gruppini inissalinnut inniminniisoqarsinnaavoq, tassani siunertaalluni timersortarfinni piffissat atunngitsoorneqartartut ikilisarneqarnissaat, kiisalu kommunimi atortussiat innuttaasunut ajornannginnerusumik atorneqarsinnaanngornissaat.

Quppernerit taakku marluk, innuttaasunik kissaatigineqartoq 'innuttaasunut isaavik ataaseq' naammassivaa, tassani innuttaasut peqatigiiffiit/kattuffiit assigiinngitsut nassaarisinnaavaat piffimmi ataatsimi, taamaasilluni aamma sammisassaqartitsinermi periarfissat kommunip iluani takuneqarsinnaalerlutik aammalu illuutit atortorisallu atorluarneqarsinnaanerulerlutik.

Aammattaaq skærmit illoqarfimmi sumiiffinni assigiinngitsuni ilaatigut timersortarfinni, pisinniarfissuarni ikkussuunneqassapput, paasissutissallu assigiinngitsut takuneqarsinnaanngussallutik.

Aaqqiissutissatut siunnersuut – suliatigut naliliineq

Quppernerit taakku marluk, sammisassat.gl aammalu piffissat.gl innuttaasunut periarfissiippat ajornaannerusumik peqatigiiffiit sammisassaqartitsinerillu assigiinngitsut ujartornissaannut, aammattaaq peqatigiiffinnut ilaasortanngorsinnaaneq periarfissaalluni quppernerit atorlugit. Peqatigiiffittaaq periarfissarilerpaat quppernerit atorlugit ilaasortat amerlanerit ilanngutinnissaannut. Peqatigiiffiit systemimik tamakkiisumik allaffissornermi atortussamik peqalerput, ilaasortat allattorsimaffii ersillutik, taamaalilluni ilimagisassaalluni allaffissornerup annikinnerulersinneqarnissaa anguneqarsinnaasoq. Piffissat.gl piffissat timersortarfinniittut ersarissarpai aammalu piffissat atorneqanngitsut toqqaannartumik nittartakkakut inniminnerneqarsinnaaneri ammaaffigalugu.

Peqqinneq Sammisassaqartitsiviullu naatsorsuutigaa, systemi peqatigiiffinnit atorluarneqarumaartoq.

Aningaasatigut sulisoqarnikkullu naliliinerit

Quppernernerit aningaasartuutit:

Programmimut akuersissutinullu 345.300 kr.

Ukiumut ataatsimut atuinissamut akiliut 90.000 kr.

Paasissutissiivit ikkussuunneqartussat 249.800 kr.

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr 5, 6. juni 2016-imeersoq

Ingerlariaqqinnissaq

BRND kiisalu kommunit allat BRND-mik isumaqatigiissuteqartut suleqatigalugit systemi pitsanngorsarneqassaaq.

Peqqinneq Sammisassaqartitsiviullu sunngiffimmi sammisassanut tunngasut tamaasa, ullorsiutit kiisalu illoqarfinni pisunut tunngasut tassunga immiussuutivai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik paasitinneqarpoq Immikkoortortat Digitaliseringi aammalu Internv Service, kommunimi IT-eqarnermut aammalu software-qarnermut akisussaasut,

tusarniarneqarsimanerat aammalu suliarinninnermi matumi ilaatinneqarsimasut. Uani suliami saqqummiussami missingersuutit ilanngunneqarsimanngitsut, Aningaasaqarnermut Allatseqarfimmilli ilimagineqarpoq Immikkoortortami nammineerlutik missingersuusiaminni nittartakkanut ingerlatsinerlutik missingersuutit ilanngussimassagaat.

Innuttaasunik peqataatsineq/attaveqatigiinneq

Nuummi peqatigiiffinnut unnussioortitsineq ingerlanneqareerpoq, tassanilu peqatigiiffiit quppernerat takutinneqarluni. Quppernermik ataatsimoortumik peqatigiiffinnut tunngasumik innuttaasunit aammalu peqatigiiffinniillu sivisuumik ujartorneqartarsimavoq kommunitisinni.

Ingerlatsivinnit allaniit oqaaseqaatigineqartut

Soqanngilaq

Ilanngussa

Soqanngilaq

Punkt 03C: Nunarsuarmi tamani timimik aalatitsinerpaaq

Beslutning

Ilisimatitsisut tusaatissatut tiguneqarpoq.

Bilag

Siunnersuutit

Nunarsuarmi tamani timimik aalatitsinerpaaq

Ataatsimeersuarnermit siunnersuutit.

Ilisimatitsissut

J.nr.: 55.02

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Suliffeqarfimmut Kiffartuussivik tassungalu Peqqinneq Sammisassaqaqtitsiviullu "Nunarsuarmi tamani timimik aalatitsinerpaaq" pillugu ataatsimeersuarneq pillugu ilisimatitsitsipput. Kalaallit Nunaanni timersornerup silarsuaanni meeqqat pisinnaatitaaffii pillugit ineriartortitsinikkut siuarsaanissaq Kalaallit Nunaanni Timersoqatigiit Kattuffiat UNICEF-illu suleqatigiissutiginiarlugu isumaqatigiissuteqarfigaat. Ataatsimeersuarneq 2019-imi novebarimi ingerlanneqarpoq, tassanilu Kommuneqarfik Sermersooq sinnerlugu peqataapput borgmesteri, vicedirektøri aammalu fagcheffi Peqqinneq Sammisassaqaqtitsinermullu immikkoortortamiit. Ataatsimeersuarnerlu inerneqarpoq siunnersuutinik assigiinngitsunik.

Immikkoortortaqarfik isumaqarpoq siunnersuutit timip aalatinnerunissaanut siuarsaanermi suliniaqqinnissamut aallaaviulluarsinnaasut, taamaammallu Kommuneqarfiup Sermersuup siunissami suliniutaanut ilanngunneqarsinnaallutik, suliniutinut tassunga tulluurtunut.

Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut Meeqqanut Atuarfeqarnermullu Ataatsimiititamit tusaatissatut tiguneqassasoq

Suliassamik saqqummiussineq

Kalaallit Nunaanni Timersoqatigiit Kattuffiat "Nunarsuarmi tamani timimik aalatitsinerpaaq" takorluugaraat, nunarsuarmilu tamani timimik aalatsinerpaamik takorluugaqarnertik pillugu oqallitsiarlutik atorfilittanik, kommunimi politikerinik, peqatigiiffinnik suliffeqarfimmeersunillu ataatsimeersuartsipput.

Ataatsimeersuarnermit "Nunarsuarmi tamani timimik aalatitsinerpaaq" pillugu siunnersuutit–qulequtarineqartoq Inuuneq tamaat Timimik aalatitsineq naalungiarsummiit toqussi tikillugu: sammisanut tallimanut agguarneqarsimasunut, imarisaalu akuutitsineq, piginnaasanik ineriartortitsineq aammalu piffinni pilersitsineq qanoq anguneqarsinnaanersut.

Sammisanut tallimanut agguataarnerit imarisai tassaapput: kikkut tamarmik kivitseqataanissaat, aqqissuussamik suliniuteqarneq, peqataatitsineq, najukkami pigiliutsitsineq, nittarsaassineq ilisimatusarnerlu. Anguniakkat toraarlugit atuarfinni paaqqinnittarfinnilu aalasoqarnerussasoq, aalatitsinissamut atortorissaaruteqarnissaq, sammisassanik ineriartortitsinissaq imminullu kajumissutsiminik suliniuteqartut nukittorsarnissaat. (Ilanngussaq takuuk).

Peqqinneq Sammisassaqaqtitsinermullu Immikkoortortap peqatigiiffiit tapersorsorlugillu suleqatiserisarpai, pikkorissaanerit peqatigiiffinnut ingerlallugit aammalu peqatigiiffiit meeqqat atuangiffiini suleqatiserallugit sammisassaqaqtitsineq ingerlasarluni. Peqqinnq Sammisassaqaqtitsinermullu Immikkoortortap siunnersuutip ilusaa 'Naalungiarsuunermiik inuunerup sinnera tamaat timimik aalaneq' siunissami anguniakkat najoqqutaralugu atorusuppaat sammisassaqaqtitsinermi piareersarnermi aammalu sammisassaqaqtitsinerit ingerlannerini.

Aaqqiissutissatut siunnersuut – suliatigut naliliineq

Peqqinneq Sammisassaqaqtitsiviullu takorluukkamik timip aalatinnerulernissaanut suliniummik takkuttoqarnera isumalluarfigaat, inuiaqatigiinnut timip aalatinnerulernissaanut siuarsaasoq, nammineq kajumissutsimik suliniuteqaqtarnermik kultureqaqtarnerup pitsanngorsarneratigut piginnaanngorsaaneq aqputigalugu innuttaasunut aalaneq timersornermilu ineriartortitsinermi periarfissaqaqtitsineq. Kommuniq soqutigisaraa innuttaasut inuulluataarnerat salliutinneqassasoq, ingammik ilisimatuussutsikkut paasisat aallaavigalugit aalaneq timersornerlu peqqissutsimut iluaqutaarnerat, innuttaasut eqqarsaatigalugit aammattaaq ungasinnerusoq eqqarsaatigalugu aningaasaqaqtarnermut iluaqutaasinnaammat.

Aningaasatigut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppernarsaatitalit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr 5, 6. juni 2016-imeersoq

Inuuneritta II

Susassaqaqtitsineq aamma kulturikkut anguniakkat pillugit MA-mut suleqatigiinnissamut isumaqatigiissummi anguniakkat.

Ingerlariaqqinnissaq

Peqqinneq Sammisassaqaqtitsivimmilu Immikkoortortaqaqfiup anguniakkap angunissaanut suleqataarusupput illuutit pioreersut periarfissallu pioreersut atorlugit.

Aningaasaqaqtarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatigineqartut

Soqanngilaq

Ilanngussaq

1. Siunnersuutit

Punkt 4: Aalajangiiffigisassat

Soqanngilaq

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Tasiilami atuartunut angerlarsimaffik

Beslutning

Inassuteqaat akuerineqarpoq.

Tasiilami atuartunut angerlarsimaffik

Tasiilami atuartunut angerlarsimaffimmi pisortanik aappariinnik atorfinitsitsineq

Ilisimatitsissut

J.nr.: 51.00 – G01 – 8 – 20

Meeqqanut Atuarfeqarnermullu Ingerlatsivik – Meeqqanut Atuarfeqarnermullu pisortaagallartoq Marie Fleischer / MAFL

Suliassamik eqikkaaneq

Meeqqanut Atuarfeqarnermullu Ingerlatsivik piffissamik 23. - 30. novembari 2019-imi Tasiilamut Atuartunut angerlarsimaffimmut nakkutilliiartorluni tikeraarpoq, tassanilu 2019-imi aggustimi atuariup aallartinneraniilli sulisut amerlasuut taarseraassimasut paasineqarpoq. Tamatumunnga pissutigineqarpoq ineqartut akornanni meeraqartoq sakkortuumik qisuariartartunik sulisunullu ineqartunullu allanut persuttaasartunik.

Ukiorpassuarni ulluinnarni aqutsisuusimasoq atorfimminit ulloq 31. decembari 2019-imiit tunuarpoq (takuuk Tasiilami Atuartunut angerlarsimaffiup killiffia pillugu ilisimatitsissut).

Nalinginnaasuuvorluunniit atuartut akornanni kiisalu atuartut sulisullu akornanni persuttaasoqartartoq persuttaanissamullu siorasaarisooqartartoq.

Tamanna pillugu Meeqqanut Atuarfeqarnermullu Ingerlatsiviup Tasiilami Atuartunut angerlarsimaffimmi pisortanik aappariinnik atorfinitsitsinissaq allaqqunneqarsinnaanngitsut nalilerpaa.

Inassuteqaat

Meeqqanut Atuarfeqarnermullu Ingerlatsivik Meeqqanut Atuarfeqarnermullu Ataatsimiititaliamut inassutigaa:

- Tasiilami Atuartunut angerlarsimaffimmi pisortanik aappariinnik perorsaanermik aamma/imaluunniit isumaginninnermik ilinniagalinnik atorfinitsitsisoqarnissaa pillugu ilisimatitsissut tusaatissatut tiguneqassasoq
- ilisimatitsissut Aningaasaqarnermut Inuussutissarsiornermullu Ataatsimiititamut Kommunalbestyrelsimullu ingerlateqqinneqassasoq.

Suliassamik saqqummiussineq

Meeqqanut Atuarfeqarnermullu Ingerlatsivik piffissami 23. novembarimiit 30. novembarimut 2019-imi Tasiilamut Atuartunut angerlarsimaffimmut nakkutilliiartorluni tikeraarpoq. Aggustimi 2019-imi atuariup aallartinneraniit sulisut amerlasuut taarseraassimasut tikeraarnermi paasineqarpoq. Tamatumunnga pissutigineqarpoq ineqartut akornanni meeraqartoq sakkortuumik qisuariartartunik sulisunullu ineqartunullu allanut persuttaasartunik.

Ukiorpassuarni ulluinnarni aqutsisuusimasoq atorfimminit ulloq 31. decembari 2019-imiit tunuarpoq (takuuk Tasiilami Atuartunut angerlarsimaffiup killiffia pillugu ilisimatitsissut).

Atuartunut angerlarsimaffimmi sulisut tamarmik ilinniagaqanngillat, tassa ataaseq minillugu isumaginninnermut peqqissutsimullu ikiortitit ilinniarsimasoq.

2019-imi aggustimi atuariup aallartinnerani atuartut 43-nik amerlassuseqarput, novembarimilu 2019-imi 31-nut ikilissimapput: persuttaaneq, persuttaanissamut siorasaarineq aamma/imaluunniit

ikiaroomartumik imigassamillu atornerluineq pissutigalugu atuartut sisamat angerlartinneqarput. Atuartoq ataaseq illoqarfimmut nuuppoq angajoqqaavi nunaqarfimmiit Tasiilamut nuussimmamata. Atuartut 7-it nukissalinnik ilaqutallit angajoqqaaminnit angerlartinneqarsimapput atuartunut angerlarsimaffimmi pissutsit toqqissisimananngilluinnartut pillugit.

Atuarfimmi aqutsisut, Atuartunut angerlarsimaffimmut aamma aqutsisuusut, ilisimatitsissutigaat, atuartut 2/3-i sumiginnagaasimasimasut, taakkulu angerlarsimaffinni imigassamik atornerluisuusunit, kinguaassiutitigut kannguttaatsuliortartunit aggertuusut, tamatuma saniatigut atuartut 15-it meeraapput inissinneqarsimasut nunaqarfinneersuullutillu Tasiilap eqqaaniittunit.

Nalinginnaasuuvorluunniit atuartut akornanni kiisalu atuartut sulisullu akornanni persuttaasoqartartoq persuttaanissamullu siorasaarisooqartartoq.

Aaqqiissutissatut siunnersuut – suliatigut naliliineq

Atuartunut angerlarsimaffiup atuuffia tassaavoq atuartup atuarneranut atatillugu Atuartunut angerlarsimaffimmi najugaqarneranni ataatsimoorfiusoq, tassanilu inersimasut akisussaassuseqartut piffissat ilaanni atuartut angajoqqaavinut paarlatsit atugarsonermut isumassuinissamullu isumaginnittussatut pisussaaffeqarput.

Taamaattumik pingaaruteqarluinnarpoq, inersimasut atuartunut angerlarsimaffimmi meeqqanik, angajoqqaaminnik qanigisamiinillu avatangiisiminnit ungasillillutik takkuttartunik, tigusilluarsinnaanissaat inuttullu fagitigullu ineriartornissaannik tapersersuisinnaassasut kiisalu Atuartunut angerlarsimaffik **atuartut angerlarsimaffigigaat** toqqammavigineqassaaq, ulloq unnuarlu meeqqat isumassorneqarlutik.

Pisortanik aappariinnik Atuartunut angerlarsimaffimmi najugaqartunik atorfinitsitsineq ullumikkornit pitsaanerujussuarmik inissisimasooqalerneranik kinguneqassaaq, Tasiilamilu Atuartunut angerlarsimaffik najugaralugu toqqissisimanarnerullissalluni, tassanilu atuartut timikkut, perorsaanikkut inuillu akornanni atugaat pitsaanerulersinneqassapput.

Aningaasatigut sulisoqarnikkullu naliliinerit

MAANNAKKUT atorfinitsitsinermut atatillugu aningaasartuutit qanoq annertutigissanersut oqaatigiuminaappoq. Pisortamik nutaamik pissarsiortoqassamat atorfinnillu inuttaqanngitsunik peqarmat, Meeqqanut Atuarfeqarnermullu Ingerlatsiviup naatsorsuutigaa, Tasiilami Atuartunut angerlarsimaffiup missingersuutaanit akissarsiassat tiguneqassasut, soorlu aamma atuarfeqarnermut tunngasuni missingersuutinit pigisanut aningaasartuutit il.il. matussuserneqarsinnaassasut.

Inatsisitigut tunngavissaq allakkallu tunngaviusumik uppersaaitallit

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq
- Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr. 21 ulloq 13. november 2017-imeersoq (Atuartitsinerup imarisaa, aaqqissuussaaneq, piareersaaneq aamma ilisimasanik katersisarneq pillugit malittarisassanik allanngineq)
- Atuartitsinerup ingerlanneqarnissaata naammassineqarnissaanut periusissat atuarnerullu nalaani atuarfiup atuartunik nakkutilliinera pillugit Namminersornerullutik Oqartussat nalunaarutaat nr. 11, 14. maj 2003-meersoq
- Meeqqat atuarfianni atuartunut kollegiami inissat pillugit Namminersornerullutik Oqartussat nalunaarutaat nr. 4, 9. februar 1989-imeersoq

Ingerlariaqqinnissaq
Soqanngilaq

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq
Soqanngilaq

Ingerlatsivinnit allaniit oqaaseqaatigineqartut
Soqanngilaq

Ilanngussa
Soqanngilaq

Punkt 05B: Kommuneqarfik Sermersuup Sisorarfiillu akornanni kiffartuussinissamik isumaqatigiissut

Beslutning

Inassuteqaat akuersissutigineqarpoq oqaaseqaatigalugu Sisorarfiit siulersuisuini kommune aalajangeeqataasinnaanani najuuttartussamik peqassasoq.

Bilag

1. Kommuneqarfik Sermersuup aamma Aningaasaateqarfik Sisorarfiit akornanni Kiffartuussinissamik isumaqatigiissut

Allagartaq illuutit atortorisallu allattorsimaffiat

Kommuneqarfik Sermersuup Sisorarfiillu akornanni kiffartuussinissamik isumaqatigiissut

Kiffartuussinissamik isumaqatigiissut akuersissutigineqassappat ingerlatsinermut isumaqatigiissummik atorunnaarsitsineq.

Aalajangiiffigisassaq

J.nr.: 22.02.05

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Suliassamik eqikkaaneq

Suliffeqarfimmut Kiffartuussiviup, tassunga ilanngullugu Peqqinneq Susassaqartitsivillu, matumuuna Kommuneqarfik Sermersuup aamma Sisorarfiit akornanni kiffartuussinissamik isumaqatigiissutip allangortinneqarnissaanik siunnersuut nassiuppaat, maannamut ingerlatsinermik isumaqatigiissup atorunnaarsinnissaanik kinguneqartussaq, siunnersuullu akuersissutigineqassappat kiffartuussinissamik isumaqatigiissummik taarserneqartussaq. Kiffartuussinissamik isumaqatigiissutip kingunerisaanik Sisorarfiit Nuummi sisorartarfimmik ingerlatsisunngussapput. Isumaqatigiissut kingumoortumik 1. januaari 2020-miit atuutilissaaq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititap isumaqatigiissutip allangortinneqarnissaanik siunnersuut akuersissutigissagaa, imaappoq maannamut ingerlatsinermut isumaqatigiissutip atorunnaarsinnissaa, taavalu kiffartuussinissamik isumaqatigiissummik taarserlugu.
- ataatsimiititap siumoortumik erseqqissariissagaa ukiumut immikkut 650.000 kr.-nik aningaasaliissutissanik qinnuteqaat.
- ataatsimiititap suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu inaarutaasumik akuerisassanngorlugu ingerlatseqqissagaa.

Suliassamik saqqummiussineq

Taamanikkut Kommunalbestyrelsiusup 1993-imi inuusutissarsiuqartunut Aningaasaateqarfik Sisorarfiit pilersippaa. Taamanikkumiilli majuartaateqarfik Sisorarfiit Kommune sinnerlugu ingerlatarilerpaat. Isumaqatigiissummik ilaatinneqarpoq, ingerlatsinermut isumaqatigiissut, tassanilu Kommuneqarfik Sermersooq illuutigisamik sisorariartarfimmilu atortunik ilaannakortumik piginnittuovoq, taavalu Sisorarfiit taassuminnga ingerlatsinissaminut tapiiffigineqartarlutik.

Peqqinneq Susassaqartitsivillu Pisortaqatigiinnit 2019-imi aasakkut qinnuigineqarpoq, Aningaasaateqarfik Sisorarfiit siunissami aaqqissuussaana kominullu aningaasaliissutaat qanoq innersut misissorneqarnerani siuttooqqullugit. Tassunga atatillugu Deloitte periarfissanik assigiinngitsunik misissueqqullugu ujartueqquneqarpoq.

Sisorarfiit Fondi piffissami sivilisuumik maskiinat aserfallatsaalinissaat pillugit ajornartorsiuteqartarput. Sisorarfiusup kingulliup takutippaa, maskiinat pillugit assorsuaq ajornartorsiuteqartarsimasut allaat kommunimit kissaatigineqartoq løjpinillu atuisunit kiffartuussinerup kissatigineqartup eqqortinnissaa ajornakusoorsimalluni. Tamanna tunngavigalugu Peqqinneq Susassaqartitsivillu maannamut ingerlatsinermut isumaqatigiissutaasup atorunnaarsinneqarnissaanut periarfissaq saqqummiuppaa, taannalu kiffartuussinissamik isumaqatigiissummik taarserlugu.

Ingerlatsinermt isumaqatigiissutip kiffartuussinissamillu isumaqatigiissutip assigiingissutaat tassaapput:

Ingerlatsinermt isumaqatigiissut: Illu atortullu Kommuneqarfik Sermersuumit pigineqarput. Aalajangersimasumik missingersuuteqanngilaq, ukiullu tamaasa Kommunalbestyrelsimit aalajangiiffiqineqartarluni. Majuartaateqarfimmi ingerlatsineq Sisorarfiit ingerlataat. Annertunerusumik pisiortornerit Kommunalbestyrelsimit akuersissutigineqartassapput.

Kiffartuussinissamik isumaqatigiissut: Sisorarfiit akisussaaffimmik tamakkiisumik tigusissapput. Illu atortullu Sisorarfiit-nut tuniniarneqassapput. Missingersuutit aalajangersimasut aningaasanut aalajangersimasumik amerlassusillit attorneqarsinnaanngitsut, isumaqatigiissullu atsiorneqareerpat ukiuni tallimani atuuttussa. Taamaalilluni Sisorarfiit annertuunik pisissagunik soorlu pistenbully-mik aningaasaliissuteqassagunilu, aningaaserivimmiit taarsigassarsiniarsinnaalissapput. Sisorarfiit illumik atortunillu aserfallatsaaliinissaq namminneq isumagissavaat.

Aaqqiissutissatut siunnersuut – suliatigut naliliineq

Peqqinneq Susassaqartitsiviullu nalilerpaa, isumaqatigiissutip kiffartuussinissamik isumaqatigiissutinngortinnera tamanut iluaqutaassasoq, aserfallatsaaliinermt annertuunillu pisinermt soorlu pistenbully-mik pisinermt iluaqutaassaaq.

Aningaasatigut sulisoqarnikkullu naliliinerit

Kiffartuussinissamik isumaqatigiissut ukiumut 3.850.000 kr-nik aningaasartaqarpoq. Suleqatigiit qaammatit pingasukkaarlugit akiliuteqartarnerit kingusinnerpaamik novembarip aallaqqaataani isumaqatigiissutigisassavaat. Immikkorluinnaq pisoqartillugu pisariaqartitsisoqartillugulu qulaani agguataarineq allanngortinneqarsinnaavoq, suleqatigiit akornanni erseqqinnerusumik isumaqatigiissuteqarnikkut. Isumaqatigiissummut ilaatinneqarput illup atortullu il. il. aserfallatsaalinissaanut aningaasaliissutit. Kiffartuussinissamik isumaqatigiissummut ilanngunneqartumi aningaasalersuinissaq allaaserineqarpoq. Siunissami aammalu aningaasaliiffiqeqqinneqarnissamik, kiffartuussinissamik isumaqatigiissummi piunasaqaatit qaangerlugit qinnuteqaataasinnaasut politikikkut suliarineqassapput.

Immikkoortortap Peqqinneq Sammisassaqartitsiviullu missingersuusiaminni 3.200.000 kr.-inik akissaqarput, taamaasilluni akiliutissaq tamakkerlugu piginagu, taamaasilluni immikkoortortap ukiumut 650.000 kr.-it immikkut aningaasaliissutissatut qinnutigisavaat. Tamanna pissaaq politikikkut akuerineqassappt, immikkut aningaasaliissutinik qinnuteqarnikkut.

Inatsisitigut tunngavissaq allakkallu tunngaviusumik uppersaatitallit

Kommuninut pisinnaatitsissut

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr 5, 6. juni 2016-imeersoq

Ingerlariaqqinnissaq

Kiffartuussinissamik isumaqatigiissut akuerisaq kingumoortumik atuutilissaaq januaarip aallaqqaataani 2020-miit.

Aningaasaqarnermt Allatseqarfimmit oqaaseqaatit

Aningaasaqarnermt Allatseqarfimmiit allannguutit naleqquttutut innersuussutigineqarput, kommunip akisussaaffii aammalu Fondip akisussaaffii immikkoortinneqassammata. Taamatut inissiinerup kommunip qularnaarpaa missingersuutitigut isumannaanerusumik ingerlanissaa aammalu fondip suliniutinik ineriartorsinnaanera.

Innuttaasunik peqataatitsineq/attaveqaqatigiinneq
Sisorarfiit Aningaasaateqarfiat

Ingerlatsivinnit allaniit oqaaseqaatigineqartut
Soqanngilaq

Ilanngussaq

1. Kommuneqarfik Sermersuup aamma Aningaasaateqarfik Sisorarfiit akornanni Kiffartuussinissamik isumaqatigiissut
2. Allagartaq illuutit atortorisallu allattorsimaffiat

Punkt 6: Taasariaqartut allat

Beslutning

Ataatsimiitap Alaskamut angalanissamut pilersaarut ataatsimiinnermi eqqartorjaa.

Punkt 7: Lukket

Punkt 07A: Lukket

Punkt 07B: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.40